




نسخ وادست

۱۳۳۶



بکون بیلنیر قسقه، مجموعہ مملکت
خط چوق آرائی اور تہذیب و تمدن و تاریخ

ایتدک شرف خدمت اجدادی فراموش
آثارینہ اسلاف رک رغبت اولمیز

شاعره مشار اليها مهرى خانمك

ديكر غزلى

چونكه بيلدك اى كوكل دنيای فانی هيچ ايمش
 اول سنى ترك ايمه دن ترك ايت سن آنى هيچ ايمش
 وار ايمش چون عالمك برشاديسندن بيك غمى
 ايمدى الدياتمه يالانجى شادمانى هيچ ايمش
 حق رضا سنده آنى صرف ايمز ايسهك حاصل
 دار محنتده بو عمر ك جاودانى هيچ ايمش
 كل بومكارك متاعنه خريدار اوله كيم
 بومتاعك آخر اصتى وزيانى هيچ ايمش
 چون يقيندر چشمكك آغى قراسندن اجل
 ايمدى قوبو رختى بخت كامرانى هيچ ايمش
 عيشكى نيش ايلر ايمش نوشكى قان عاقبت
 بس بونك برايكى كونلك زندگانى هيچ ايمش
 شويلاه تشخيص ايلدم (مهرى) جهانك لذتى
 علم ايله صوم وصلات ايمش قالانى هيچ ايمش

شاعره مشار اليها مهرى خانمك

ديكر غزلى

ايمز ايسهك بن كنهكاره آسلاطانم مدد
 يانيسر نار جعيمه تا ابد جانم مدد
 ايتدم هر كز جهانده سكا لايق بر عمل
 بوق بيم بر ذره جه خيرم ، چوق عصيانم مدد

در کهک کلمیشم بیمار جرم یا حکیم
رحمتکدن قیل دوا ذردیمه درمانم مدد
قورتار ای کان کرم دست زبائیدن بنی
یوم محشرده قومه الیه کریبانم مدد
رحمتک محتاجیم طاپوکه کلدیم یاغنی
رحمتکدن (مهری) بی رد ایتمه رحانم مدد

شاعره مشهوره لیلا خانم

رحم ایله بودلخسته ناچاره الهی
زخم دلمه سندن اولور چاره الهی
بر مجرم وعاصی قولکم روی سیاهم
عفوکه نظر قیل بو کنهکاره الهی
باقه یوزیمک قارمسنه روز جزاده
باغشله بنی احمد مختاره الهی
اول کونده براقه کرم ایت خائب وخاسر
عصیانم ایله ایله آواره الهی
نفسم هوسيله بنی سن دربدر ایتمه
عشقکدن اثر ویر بودل زاره الهی
آل بندگانم قید سوادن بنی قورتار
واصل اولهیم رؤیت دیداره الهی
(لیلا) قولکی آتش عشقکه کباب ایت
دوزخده قویوب یاقه آنی ناره الهی
